

Zwarnuj nas před wšitkimi tymi, kotřiž chcedža prawu wučbu wukorjenic a přibójstwo postajic. Njedaj twoje lube słowo, tu jasnu a njezachodnu swěcu, kotraž nam nětk swěci, podtlóčeć ani hašeć, ale pomhaj ze swojej sylnej ruku a zdžerž swoju cyrkej a gmejnu pod tak wjele nadpadami, zo měł ty tež bjez nami lud, kiž će znaje a so k tebi modli. Ach njezaplać nam naše hrěchi, dokelž sy prjedy złósć wodał swojemu ludu a wšitke jeho hrěchi přikrył, kiž sy prjedy wšitkón swój hněw přeč wzał a so wobroćil wot surowosće swojeho hněwa. Troštuj nas, Božo, naš zbóžniko, a wostaj so swojeje njehnady přećiwo nam. Škituj swoje khřescijanstwo, kiž so na tebje spušća. Čin to twojeho mjena, Jezom Khrysta, twojeho lubeho Syna dla. Hamjeń.

3.*

W Knjezu lubowani, džakujmy so wěčnemu Wótcej našeho Knjeza Jezom Khrysta, zo je so jemu spodo-

* Modlitwa Melanchthonowa.